

金
石
萃
編

金石萃編卷六十

賜進士出身 誥授光祿大夫刑部右侍郎加七級王昶謨

唐二十

天后御製詩書碑

石高三尺八寸廣二尺四寸十八行
行二十六字正書在嵩山少林寺

大唐天后御製詩一首 并序五言

從 駕幸少林寺觀 先妃營建之所倍切梵衿

逾悽遠慕聊題卽事用述悲懷

陪 鑿遊奈苑侍賞出蘭闈雲偃攢峯蓋霞低插浪旂

日宮䟽澗戶月殿啓巖扉金輪轉金地香閣曳香衣鐔

吟輕吹發幡搖薄霧霏昔遇焚芝火山紅迺野飛花臺
無半影蓮塔有全輝寔願能仁力攸資善逝威 慈緣
興福緒於此罄歸依風枝不可靜泣血竟何追

大唐天后御製書一首

暑候將闌炎序彌溽山林靜寂梵宇清虛冥坐經行想
當休念弟子前隨 風駕過謁鸞巖觀寶塔以併們觀
先妃之淨業薰脩之所猶未畢功一見悲驚萬感兼集
攀光寶樹載深風樹之哀弔影珠泉更積寒泉之思弟
子自惟薄祐鎮切弊懷每屆秋期倍軀摧心之痛炎涼
適運逾添切骨之哀未極三旬頻鍾一忌恨乘時而更

恨悲踐露而逾悲唯託福田少申荒思今欲續成先
志重置莊嚴故遣三思資金絹等物往彼就師平章幸
識斯意卽務修營望及諱辰終此功德所冀罄斯誠懇
以奉津梁稍宣資助之懷微慰梵迷之緒略書示意指
不多云

永淳二季九月廿五日司門郎中太孫諮議王知敬
書

天后詩書各一首其一碑王知敬書按知敬有奉敕
書金剛經今在寺壁間字多剝落而此碑獨完好如

新嵩陽石
新刻記

鄭氏金石略曰王知恭書碑刻知敬鄭氏以爲知恭

蓋訛矣

說

右碑武后幸少林寺之詩按唐紀永淳二年十二月
丁巳改元宏道碑建于九月猶稱永淳也裴灌少林
寺碑云永淳中御札飛白書一飛字于寺壁后必以
此時從駕也后擅朝政預廢立永隆元年立英王哲
爲太子永淳元年孫重照生立爲皇太孫百官志太
孫不置官屬惟王府傅而下有諮議叅軍一人正五
品秩至天授二年始置皇孫府官而碑云太孫諮議
者是年皇太子朝于東都太孫留守或暫置諮議以

他官攝之也司門郎中屬刑部掌門關出入之籍關
遺之物尚有詰姦除暴之意後世關差分屬戶工二
部而詰姦除暴爲具文矣此則古今官制之異附記

焉金石後錄

右天后御製詩一首御製書一首后從駕幸少林寺
觀其母楊營建之所追慕作詩復遺其姪三思資金
絹等物續成功德而以書遺寺僧也唐書后妃傳后
母楊再封代國夫人以后故寵日盛徙封榮國又徙
鄭衛二國咸亨元年卒追封曾國諡忠烈俄又贈土
獲太原郡王魯國忠烈夫人爲妃此所以有先妃之

稱乎外戚傳榮國卒后出珍幣建佛廬徼福不云徒封鄧衛未知孰是又攷永淳元年三月立重照爲皇太孫開府置官屬有太子而立太孫非禮之正故有自我作古之語知敬以司門郎中爲太孫諮議諮議叅軍事乃王府官之稱而東宮無之然則當時太孫府所設官屬其名略與王府同史傳不載其詳不可得聞矣

潛研堂金石文跋尾

碑首列天后御製詩一首並序五言所言從駕幸少林寺觀先妃營建之所者舊唐書高宗紀永淳二年春正月甲午朔幸奉天宮天后從駕當在此時其云

先妃后母楊舊爲太原王妃故也次御製書一首卽
遣三思資金絹等物往致寺主僧踵成前營終此功
德書旨亦工雅可味後題司門郎中太孫諮議王知
敬書攷紀稱永淳元年二月戊午立皇孫重照爲皇
太孫欲開府置僚屬吏部郎中王方慶云云竟不立
府寮重潤傳開耀二年中宗爲皇太子生重潤於東
宮內殿及月滿大赦天下改元爲永淳是歲立爲皇
太孫開府置官屬今以此碑大孫諮議亦官屬之一
也則紀言不立府寮與傳言自相背也

按堂金
石跋

寶刻類編有此碑此武后幸少林寺觀先妃營建之

所卽事悲懷詩也唐初詩尚有齊梁風韻金石畧作
王知恭蓋五代人避晉祖諱宋人引其文多未更正
非二人也

中州金石記

按高宗晚年兩幸嵩山一爲調露二年一爲永淳
二年此碑刻于永淳二年九月當卽是本年二月
從駕幸少林寺所作也詩序稱觀先妃營建之所
倍切禳衿禳卽焚字焚焚之意先妃是天后之母
楊氏以咸亨元年九月甲申薨加贈太原王妃是
歲八月辛丑朔則九月當是辛未朔甲申是十四
日也至永淳二年距妃之薨又十四年書中故有

每屆秋期倍軫摧心之痛炎涼遞遞逾添切骨之
哀皆言歷歲之已久也王知敬以九月廿五日書
而詳玩書意乃九月以前之語書云暑候將闌炎
序彌溽似七八月間氣候又云薰修之所猶未畢
功望及諱辰終此功德則欲在九月十四日以前
畢功其致書宜在七八月間矣知敬書碑結銜不
稱臣不云奉詔奉敕此必是少林寺僧書此上石
以崇奉天后之御製爲本寺增寵也不數月而高
宗崩太后臨朝稱制殘害唐宗推崇武族無所不
至以視此書之自稱弟子詞旨哀切惓惓於託佛

報母爲念其意象相去懸絕矣碑所刻詩與唐音
統籤叅校有不同者如柰苑統籤作禁苑迺野飛
統籤作連野飛註云一作匝善逝威統籤逝作世
罄歸依統籤註罄一作欲

述聖記

碑僅上截廣七尺六寸五分四十六
行每行字數無及正書今在范州

述聖記

武后撰

中宗書

朕聞陽耀陰凝混元所以□□天覆地□□□□□□

斯極又嘗監和御藥手持入進屬

大闕下□□□□

□□□□□□以情錄廢農基外觸圍驚仗天威震怒立

命斬之闕下□□□□□□□□戈戰□戎夏克清獨有俱

水鬪風丸山阻順 皇赫斯怒闕下□□□□□□□□

戰之氣□眉百步之中 大帝莫能自安魂膽飛□

闕下□□□□□□□□□□而以遠涉之勞時有不豫令

大帝總知軍國間日闕下□□□□□□□□□□

太宗命 大帝承 旨玉階卽令數暢闕下□

□□□□□□□□□□□□□□狼 太宗撫

大帝頰而言曰吾聞闕下□□□□□□□□□□□□□□

流□□□集紫庭地含梧野之哀山起祚宮闕□□□

□□□□□□□□□□之物豈余□□而□□哉侍臣

銜涕敦勸扶而闕□□□□□□□□□□□□□□元

忌則潛泣累晨澤奉遺囑則凝哀永日因闕□□□□□

□□□□之鏡歟好生惡煞之□財成有截雨施雲

行之惠沐浴闕□□□□□□□□□□其源而春賞秋

罰□□攀檻思聞逆耳之言謦說狂詞闕□□□□□

□□□□□煥乎天文架丹□而首出矣□材兼運抗

仁義以明闕□□□□□□□□□□□官貽後昆

而作範劉臺罷構姬沼弗營寶駟咸歸闕□□□□□

□□□□畜而□ □皇之神務焉想空谷以載懷望

中林而式下□□□□□□□□□□刑不怒而威

不言而信去罰寔由於一德勝殘無下□□□□□

□□□□□□疑甘□□□而湛夜瑞蕙薦搖風之影

祥□□下□□□□□□□□□□□□□□□□万

騎□□披月候於云峇轉星圍下□□□□□□□□

□□□□□□謀臣若雨猛將如雲繞獻九攻之能爭

下□□□□□□□□□□□□□□□□九天偏將

暫動戎摩俄清十角下□□□□□□□□□□道

遙而訪道思宵眇以尋真或轉旆蕭關或下□□□□

□□□□□□已崩□□□貞□□抱□□馬而凝哀捧

遺弓而闕□□□□□□□□□□□仁况又神聖文

武並□□謚今故因仍舊□□□□□□□□□□□

□□□文□之詞英豈能□□聖海之遙源叙□□□

□□□□□□□□□□□始□敬養允副因心近者

□遠之初坐北□□□□□□□□□□□□自古

聖皇咸遵非葬穀林積嶺唯聞簡素□□□□□□□

□□□□□因天造無待人功微將所習之書以示不

忘□□□□□□□□□□□□□□□而□持隱翠

栢而成象石呈永固□□□□□□□□□□□□□□

□□□□將歸上京崩訴穹昊志期攀下□□□□□

□□□□□□易□茹茶之恨□盡唯思贊述少慰抽

推但下

碑立乾陵今倒仆折爲數段止存兩段耳據金石錄

武后製中宗書字法道健深得歐虞遺意非中唐以

後所辦也

石墨
鐫華

高宗乾陵有述記石來自于闐填以金屑照耀陵園

後仆斷爲數段萬歷間趙子函見其兩段予登陵不

見此石矣

末齋金石
刻考畧

右乾陵述聖紀武后撰文有云唅唅齊萌齊萌者齊

民也唻卽噤字改世爲云亦以避太宗諱故也今禮記曲禮篇蕙溱處末王藻篇爲已侏卑溱當作溱侏當作侏唐人刻石經避廟諱改易本文後來桀板者因其字稍僻不能訂正遂相沿到今矣肯庭之肯卽胥字謂赫胥大庭氏也

潘研堂金石文改尾

按碑不見立石歲月文皆述高宗聖德高宗以文明元年八月庚寅葬于乾陵此碑蓋立于其時也然文是武后撰中宗書中宗以宏道元年十二月卽位次年二月卽廢爲廬陵王幽于別所五月遷于均州尋徙居房州則書此碑在未廢之前矣高

宗崩于東都次年五月靈駕西還而文有云將歸
上京崩訴穹昊正是靈駕未發時語則此文尚在
東都作也宋敏求長安志乾陵在奉天縣西北五
里梁山鄉周八十里有于闐國所進無字碑疑卽
來齋金石考畧所稱碑石來自于闐者是也來齋
又云此碑填以金屑照耀陵園据宋趙楷記稱乾
陵之葬諸蕃來助者衆武后欲張大誇示來世於
是錄其酋長六十一人各肖其形可見當時乾陵
規模異于常制宜乎此碑之金屑照耀也文云爰
初在孕及乎載誕見龍登寢其宵有夢象之符

下闕

大帝之懷紫翼錦麟與常有異聖后曰烏爲慈孝

之鳥復是太陽之精天意若曰此兒

闕下

此是述高

宗初時有烏鳥入懷之祥所稱聖后卽長孫皇后

也又云埋壘於相思殿前因告天地明祇及山川

羣望曰當壘而立

闕下

此是述高宗初立爲皇太子

事又云瀨水虧風丸山阻順皇赫斯怒

闕下

此是貞

觀十八年伐高麗事又云以遠涉之勞時有不豫

令大帝總知軍國卽高麗軍旋太子從至并州太

宗忠繼事又云太宗撫大帝頰而言曰吾聞

闕下

此

卽二十三年五月太宗苦利增劇太子晝夜不離

側事此下皆述高宗卽位以後事情其文殘闕不能詳攷也陵前之立述政記猶公卿大夫之有墓表與高宗爲太子宏撰叡德記同一例也

奉仙觀老君像碑

碑高八尺二寸廣四尺五寸三十行行五十六字正書在懷慶府濟源縣

大唐洛州濟源縣宗姓奉爲高宗天皇大帝於奉仙觀敬造太上老君石碣碑并序

懷州河內縣主簿隴西李審幾詞

朝散郎上騎都尉瀘水沮渠智烈書

原夫巢燧上皇之代述矣難詳胥達太古之日悠哉莫

紀研精甄曜空聞糟粕之言專思運樞詎見權輿之跡
洎乎軒轡唐虞聖主也德未寢於口戈禹湯文武明君
也功尚勞於任戰爰及秦皇虐政漢高霸術區區曹馬
之事業蕪穢細圖瑣瑣齊梁之聲教齟齬翠牀

我大唐鑿乾開運出震乘時月照口光構額項之昌緒
雲浮玉葉啓咎繇之慶胄

高祖受命口而革命

仰迪天心憲紫極以燿旒俯從人欲濡足在念濟四口
於橫流授口賁懷口萬邦於炎岳息麟闕而開日月兩
曜貞明靜龍戰而叶陰陽口儀交泰

文武聖皇

帝功彌締構道冠財成夙光玉理之符載挺口衡之口

口開鳳口已賦小言之詩既襲龜謀卽用大橫之繇修
文德而有苗指詎待七旬運政略而獫狁平匪勞六月
大帝含樞降祉耀魄垂精景命列於河圖鴻名昭於洛
字湛鷄居之化不肅而成凝穀飲之風不嚴而理憲五
材而躋聖四時將玉燭同和齊七政以窮神六氣與金
渾共順若迺重十家之產仍罷露臺輕千里之足匪登
雲廢茅茨可以庇風雨無從璿室之奢陶匏可以合炎
涼有戒玉杯之侈禁難得之貨詎惜雉頭絕遠方之物
豈甘龍服此 聖人之口德也設謗木待逆耳之

謀懸諫口佇沃心之誥元纁是用聘耿潔於北園珪組

斯班黃英奇於仄陋聞一言之善管庫無滯見一行之
高輿臺必採此 聖人之任賢也麟膠鳳卵之野

梯翠嶽以混車書槐江穰穴之鄉璇紫溟而奉正朔蚩
尤之奔楓木更若近郊番禺之流茲醬還猶內府韋韞
垂幕月支日逐之長削在於藁街口題鑿齒鏤膚攢髮
之首口口於魏闕此 聖人之懷遠也功格圓清

甘露凝而景星出德通方濁奠莢植而芝草生魚尾之
禽既鸞於阿口狼題之獸亦騰躍於平原金鼎不爨
而白盈銀甕不汲而恒滿此 聖人之休徵也江

芋醜黍表望幸之期紫蘇青鵝昭告成之應採無懷之

逸軌始初宏儀撫有熊之軀踰爰修大禮壇浮青氣映
芝谷以氤氳封聚白雲帶松山而爛漫周口射牛之祭
未足執及漢帝訛麟之祠詎堪扶穀此 聖人之

昇中也豈言八駿之御未譙瑤池五龍之紀驟移璿律
崦山驚景痛堯日之先沉夜壑飛湍偕舜河之奄竭

仰惟□□先顧闔□□之德音

皇帝

嗣守隆基光或丁之睿道補天維而鍊采石彈壓媧皇
踰地角而獻碧口牢籠姬后浴州濟源縣宗姓前河陽
令李儒意雲騎尉李公協騎都尉李德爽等二百五十
人去隴西而違故里冠冕之風尚傳就河朔而客他鄉

箕裘之業無替譬夫長江巨海不之虬龍沃野廣都自
多鷗鷺爰以滄瀟 濕澤家無雜賦之勞沐浴

湛恩門有蠲口之秦耕田鑿井荷亭毒之平分鼓腹含
哺惠優游而口逸想口髡於湖邑戀德徒勤瞻飛羽於
泮林懷音何極粵惟 聖元皇帝遠聖 聖

緒迴膺仙籙惟悅惟忽師友義農之際不暇不昧卷舒
虞夏之辰乘日月而駕風雷攝鬼神而包天地推之於
妙非常名之可名引之於真卽上德之不德魯司寇之
作者北面口入室之徒尹大夫之真人西遊應出關之
偃隆周季業已垂咨於五千 皇唐本枝方延休

於七百奉爲

高宗天皇大帝於奉仙觀敬造

老君石像一座并夾侍二真人鏤琬鑿金寫口中之
瑞色塗丹繪粉摹皓昔之環容日角晨開義和懃扶桑
之景月元夜滿望舒韜仙桂之暉精誠感造化之功銳
思得冲元之力山連王屋卽是清虛之天邑帶福津更
似瀨鄉之地仙官侍衛紫煙開而鶴駕輕神媛歸依碧
落淨而龍口遠所冀蓬萊變海
歷元之今福長
存竹箭移儿
大帝之神功不朽惟金昭而玉粹
俾天長而地久乃爲銘曰

粵若 皇唐誕天明命瑤光襲祉口雲坐慶納麓非迷

卷之二

陟元惟聖闡綱更紉折柱還正其一高祖光宅 聖文纂

圖九瀛懷惠萬國來蘇捐金抵玉破孽焚符批糠粟陸

草芥尊盧其二惟皇題象握契循機含樞流氣耀魄分輝

時凝卷領化軼聖衣乾坤交泰書軌同歸其三道冠登三

功包得一斥彼峻宇安此卑室獄靜棘口荆寬艾轉有

缺斯補無文咸秩其四應穹効祉黃口輪頑月口黃美雲

覆之英龜龍呈象麟鳳飛聲燕口鏤績梁岑告成其五能

事云備神功不宰奄陟九仙俄悲四海文物終謝英威

如在至德方凝孝思無改其六少卿遠宴元禮來昆俱迷

帝力其口 皇恩號弓歷磨捧劍銷魂敬惟仙系邀

福口門

其

奇表既口真儀式像五字光足千文耀掌日

角晨融月元夜朗宵馬已去猶龍可仰

其

歸山曾鎮沈

水清瀾險疑巫谷流似洞湍既銘功而握槩亦頌德以
滿輪期翠石之永固庶鴻名之不刊

毛拱元季歲次乙酉十二月壬申朔四日乙亥

□□□□建

雍州富平縣人趙文素鐫

右奉仙觀老君像碑沮渠蒙遜史稱盧水胡智烈亦
自署盧水瀆與盧通殆蒙遜之裔歟智烈以書名金
石錄所載尚有少姨啓母二廟碑子所見獨此爾

潛研

堂金石

文跋尾

按高宗以永淳二年十一月幸奉天宮將封中岳
因疾而止十二月己酉改元宏道是夕崩于東都
真觀殿明年改元嗣聖又改元文明又改元光宅
又明年改元垂拱于是隴西李氏宗姓之流寓洛
州者二百五十人於奉仙觀爲高宗造老君石像
一座因追述高宗功德而立石以紀也元和郡縣
志濟源縣開皇十六年置屬懷州以濟水所出因
名唐書地理志武德二年置西濟州四年州廢隸
懷州顯慶二年隸洛州故此碑題曰洛州濟源縣

也河南通志奉仙觀在濟源縣城西北垂拱元年
創建此碑卽立於建觀之年碑不書興建事是建
觀非宗姓等所爲也碑頌高宗凡五事曰口德任
賢懷遠休徵昇中而下乃云崦山鷲景痛堯日之
先沈夜壑飛端惜舜河之奄竭正述高宗之未得
昇中而崩也下又云皇帝嗣守隆基光武丁之睿
道而不及天后則是專指睿宗也

王徵君臨終口授銘

碑高五尺五寸廣二尺六寸五分二十
行行四十字正書在登封縣老君洞南

大唐中岳隱居太和先生琅耶王徵君臨終口授銘并序

季弟正議大夫行秘書少監東宮侍讀兼侍書紹宗
甄錄并書

伊垂拱二歲孟夏四月悅賀寅卯之際吾六兄同人
見疾大漸惟幾將遷寘于未始委化於伊洛之間僑居
惠和里之官舍自古有死於乎哀哉他日先誥其第七
弟紹宗曰吾宅性學鄉保和仁里寄跡羣有遊心太無
乘陽以生遇陰而滅物之恒也汝固知之吾化後汝可
依道家無爲之事諸子姪行儒教喪紀之迹吾聞精神
者天之有也形骸者地之有也觸處而安不須擇日單
上時服不俟營爲紹宗敬奉精言不敢失墜此時沛國

桓先生道彥亦在吾 兄之側因獻歎而報曰此真率
之理道流所尚有情有信安敢違之其後昇真潘先生
門徒同族名大通越中岳而來自遠問疾知吾 兄真
命已畢又申勸曰儻或不諱願歸神中頂石室之中巽
者昇真臨終亦令宅彼况與先師平生居止宿昔神交
冥期不沫宜還洞府再三敦請則又從之乃曰此吾迹
也重違爾意若然不須別鑿堂宇恐傷土石但託體山
阿而已吾嘗幽贊真誥藥創靈圖祕錄別詳內本人境
不傳如或不忘款志儻存其北可取一塊青石其上有
自然平者刊刻爲字俾諸來裔知吾之用心也其銘文

皆力疾綿微愷情臺課含精寓爽藉譽乘光仿佛曖昧
不獲已而口授之外姻密友懇真考行強說曰太和先
生庶追道跡光衆妙也其銘曰 於戲昔有唐氏作吾
中遇而生姓王名壽宗字承真本琅琊臨沂人晉丞相
文獻公十代孫陳亡避江先居馮翊中從江都其璽錫
考系則國史家諫具矣降年五十有五直垂拱二年四
月四日順大街之數奄忽而終終後可歸我于中頂舊
屠之石室斯亦墓而不墳神無不在耳且伊洛之間適
昔者周南之域吾 祖上寶之地吾家得姓之鄉反葬
中岳幾不忘本也舉手長謝亦復何言示人有終乃爲

銘曰

馮馮太清悠悠太寧混沌無我其中有精忽然爲人時
哉乃形理通寂感陰聚陽并知常得性絕待忘情道無
不在神無不經幽傳祕訣默往仙京万物共盡吾何以
停歸于真宅此室冥冥不封不樹無狀無名託體嵩石
言追洛笙去來十洞駟馳八靈風雲聚散山水虛盈谷
神不死我本長生

右王復君臨終口授銘弟紹宗甄錄并書唐書儒學
傳紹宗兄元宗隱嵩山號太和先生傳黃老術卽徵
君也紹宗長于書當時以虞伯施比之紹宗自言聞

虞被中畫腹與予正同其自負亦不淺矣今觀此碑楷法圓勁結體似褚河南而鋒穎不露殊得永興三昧洵唐刻之極佳者趙德甫去唐未遠藏弄石刻至二千卷之多此碑近在嵩少間乃未著于錄何也

潘研

堂金石
文跋尾

述書賦稱王祕監則首末全見尊道重德或終紙而結字或重模而足墨落風規雄壯氣力播清譽而相述屢見賞於有德如曲園鴻飛芳園桂植注云王紹宗瑯琊人修禮子官至祕書少監劉昫唐書稱紹宗尤工草隸今其書實翰雅可玩

中州金
石記

徵君者元宗也書此銘者爲其弟紹宗張懷瓘書斷
云紹宗字承烈江都人父修禮越王友道雲孫也承
烈官至秘書少監清鑒遠識才高書古 銘前列季
弟正議大夫行秘書少監東宮侍讀兼侍書紹宗甄
錄並書舊唐書紹宗傳擢拜太子文學累轉秘書少
監仍侍皇太子讀書與此題合新唐書載紹宗歷官
惟云累進秘書少監使侍皇太子不言侍書侍讀義
未明也紹宗兄元宗隱嵩山號太和先生卽此臨終
授銘者於紹宗爲六兄字承真本瑯琊臨沂人晉丞
相文獻公十代孫陳亡過江先居馮翊中徙江都新

唐書俱言自瑯琊徙江都中間陳亡居馮翊失紀又
銘內稱昇真潘先生卽潘師正賜謚體元而此稱昇
真蒙其師王遠知號也

授堂金
石跋

夏侯口造像記

記樹廣一尺二寸高五寸八行
行七字六字五字不等正書

垂拱二年五月十五日夏侯 爲合家大小造口道

像五十區願一切舍生離苦解脫

口舉兒 郭娘子

木澗魏夫人祠碑銘

碑高六尺六寸五分廣三尺七寸五分三十分行五
十七字未行并月下添刻宋太平興國八年重建諸

人姓名一行不在
內行書在河內縣

大唐懷州河內縣木澗魏夫人祠碑銘

并序

經文館學士路敬淳製

勝果院僧從謙書

蓋聞靈圃青宮仙客於焉來往丹丘紫府羽人之所棲
集徵秘錄於淮王時逢八老採神奇於魏帝取覲雙童
子喬控翮翔翔赤霄之上琴高擾鱗游泳滌波之下斯
並心符寂接神契竊貧匪塵俗之能羈簪纓之所屈者
矣茲有皎容雅質貞規淑態蘊真氣於閨房挺仙才於
閭闕嫦娥採藥奔月媼以含精靈媛投壺睽電光而吐

耀漢泉游女持珠對南國之賓洛浦神妃鳴玉俟東藩
之后莫不名芬紫翠道標黃白列真非一往往致焉魏
夫人者卽是晉劇陽侯任城魏陽元之女也本傳曰夫
人年二十四適南劉幼彥幼彥爲修武令善爲德政仁
風惠著時夫人隨在修武之館焉雖魏同舍縣內常齋
于別復季冬之月夜半聞空中有鍾鼓笳簫之聲羽旂
光耀降夫人之靜室疊輦被服非人所聞見有四真人
告夫人曰大帝勅我來教子以神真之道注子於玉札
應爲紫虛元君上真司命名山之號封南岳夫人後爲
洛陽山成真人因爲立祠土俗號阿夫神原夫鎬京疏

社公高克勤於小物赤墟命族畢萬連休於大名丞相
之匡翌漢庭比蹤蕭郎司空之弼諧晉室方譽裴山積
德攸鍾餘慶斯在况復彤雲授彩衍豐谷之靈苗白水
開源導春陵之茂族乘龍合好鳴鳳于飛結大義於絲
蘿諧佳音於琴瑟劉氏絃歌作吏同墨臨人惟彼外技
爰資內輔服勤慕組良毗製錦之工肅事蹟繁且佐烹
鮮之術猶以爲六法四行豈離夢幻之場九轉三仙方
出塵勞之境朱庭翠閣事甚樊籠靈鬢紅顏理同泡沫
於是撥煩疏驥練志凝魂潔成道室之階列竟師門之
宇悠悠永夕紫煙昇而庭院虛凜凜窮陰疊霜冽而池

館靜乃有仙鍾簇韻如發漢鯨法鼓揚音似棲吳鶴簫
聲寥亮仍符弄玉之臺笳奏淒清有異文姬之殿絳韜
朱節真衛相趁霞佩雲裙仙儀在列昔安公之台叶冥
契於昇龍木羽之鄉應祥期於御馬養茲靈感異代同
持故能迴驚三清高超八會持法印而含元氣合真符
而昇太極金記五千職錄九靈之史玉言十萬名彰八
素之書足使上元夫人慙其嘉号靈妙玉女媿其芳聲
豈與夫障日至山薦枕席而通後順風江澳懷瓊珮而
中贈復有躍魚騰惠愛烏遣灾清溪白岸之姑阮氏絃
口之儂若斯而已矣夫以王母既集西漢列其符籙帝

子斯臻北渚歌其夕漲是用恢勝宇創祠壇想希夷其
若存庶恍忽其無味建立之始年代莫詳爾其周晉名
區覃懷奧壤蘇子攢茅之域寇君削竹之郊孟津甫注
控河流於馬頰太行北指昏山路於羊腸川原相屬風
煙交會鬱彼仙觀揭焉中立綵之以丹青陳之以藻繪
效靈妃之香齒國殷女之練色行亭三襲俯瞰川涓茅
欄四注却連山阜巨石崔嵬像蓮峯而特秀奔泉瀉洒
瀉松澗以飛湍微靄燭而流津清飈激而成韻瓊桃仙
棗散綠垂紅珠寶金條含紺佩紫入林芳桂凌冬蔽以
揚葩五株仙杏負春晞而布葉莫不夾戶蘿生垂簷接

蔭可以返魂駐寄忘憂愈疾至若吉日良辰高人勝土
黃紵紫綬忘貴賤而同歸白屋朱門泥榮枯而畢萃敬
而不曠誠稟訓於悛柔感而遂通京虔心於正直於是
採蔬東海折菓西山傾玉酒而泛流霞酌金漿而挹甘
露神交妙有想白鳳之來儀道契虛無行黃雀之爲使
丹梯可躡必超上漢之口練馭斯口口越無生之浪誠
洞真之苑圃靈寶之區域者焉秋官尚書檢校懷州判
史南陽郡府君道光天爵慶發地靈馳秦階而高視寔
播天而騁力題劔昇朝秉形之寄攸重佩金增秩仰福
之任逾隆長史隴西李知人司馬南陽鄧措河內縣令

鉅鹿耿仁惠或展驥亭循化康

邦國或割鷄遊

刃功茂邑民思靜力於迴天歎勞生於寂地識明靈孔
跡寄道樞半判毗藩則晨趨飛其鶴嶺一同作宰則元
會降其鳧鳥每慮陽軼再旬具虔馨於斯谷陰衢淑朔
薦行潦於茲鬱縣令仁惠粟氣孝恭祭則神饗天然感
物祈必靈歆所請甘霖未迴車而降澤但求膏液迎舉
意以零滋彌媿神之厚恩口勒銘而旌德而碧落清窗
頌在百城之火椒庭圭門近臨千室之中瞻石梁而靡
澗仰瑤臺而何遠夫降仙成宅西岳紀桓譚之賦尋眞
起詠南溪聞郭璞之詩是以輕率下民仰追前列寄諸

貞碧題其頌云

畢筮初占係復其始齊門有相錫膺朝美珠胎孕寶玉
仙昭祉寔唯靈媛作嬪君子取譬鸞鳳言邊魴鯉

早明八素風悟三壺呪神爭術食蓬萊仙紫書題記
白簡開編暫遊芝圃倏見華田輕飛起月高訓垂煙

戒遵靈壇載規神宇却倚巖壁前臨澗浦偃卷雲
棟清冷風戶怪石奇木鳴蟲嘯羽居茲他聖坐同天柱
嬪妃去魏弄女辭秦陽臺之下暮雨稱神洛川
之側朝霞輶真窈窕高蹈象廓上賓思口道業用述微
塵

大唐垂拱四年正月五日建

喬繼攻鑄

昨於太平興國八年三月中奉 勅打造碑文令有
□□□張安□集邑□重建邑人□守□陳□李□
□□王□□□ 賈□王頊郭□

李讓王□□賈任先尊□□□ 王□□程□

封順劉寶□□張□裴□□□

碑載魏夫人事跡始末余約其文益夫人爲晉任城
魏陽元之女適修武令劉幼彥夜有四真人降告夫
人應爲紫虛元君上真司命名山之號封南岳夫人

後爲洛陽山成真人因爲立祠其語亦取之仙傳而
涉妄不經如此余故亦存而不論也

長堂金
石跋

按真誥有云上真司命南嶽夫人注云此卽魏夫
人也而不詳夫人事跡西王母傳則云紫虛元君
魏華存夫人清齋於洛陽隱元之臺西王母與金
闕聖君降于臺中乘八景輿同詣清虛上宮傳玉
清隱書四卷授華存而亦不詳夫人爲魏陽元女
劉幼彥妻河南通志不詳木澗所在魏夫人祠在
懷慶府城西北紫金壇下相傳夫人乃晉修武令
劉幼彥妻學仙飛昇世號紫虛元君後人立祠祀

之亦不詳祠祀之始于何年此碑亦云建立之始
年代莫詳則其來久矣碑云魏夫人者晉劇陽侯
任城魏陽元之女也晉書傳云魏舒字陽元任城
樊人也年四十餘郡上計掾察孝廉對策升第除
澠池長遷沒儀令入爲尙書郎累遷相國叅軍封
劇陽子宜陽滎陽二郡太守徵拜散騎常侍出爲
冀州刺史入爲侍中遷尙書太康初拜右僕射轉
左僕射領吏部加右光祿大夫儀同三司領司徒
年老稱疾起署兗州中正尋又稱疾詔曰舒屢執
沖讓辭旨懇誠以劇陽子就第位同三司太熙元

年薨謚曰康子混先卒傳不言其有女而爵是子
非侯則碑傳互異也劉幼彥無傳懷州刺史南陽
鄧府君長史隴西李知人司馬南陽鄧楷史志俱
無攷而河內縣令鉅鹿耿仁惠碑稱其稟氣孝恭
祭別神饗所請甘霖未迴車而降澤稽之通志不
載術吏尤爲漏畧附識以補志之闕序末頌詞四
章章十句每章末空三字以隔之與他碑異例文
云秉形之寄攸重借形爲刑仰追前列借列爲烈
畢筮初占筮當是筮滄蓬募仙募當是募疑鐫者
小誤化康邦國乃述當代事故邦國空三格碑立

於垂拱四年二月殆是修建夫人之祠碑題去文
館學士路敬淳製文兩唐書傳皆云敬淳貝州臨
清人天授中歷司禮博士太子司議郎兼修國史
授崇賢館學士不云天授以前之官宏文館學士
也新唐書百官志去文館垂拱後以宰相兼領館
務號館主給事中一人判館事是垂拱時學士無
專員也此則碑題之可疑者

金石萃編卷六十一

賜進士出身 誥授光祿大夫刑部右侍郎加七級王昶撰

唐二十一

美原神泉詩碑

碑高五尺八寸廣二尺六寸五分十七行行二十五
字篆書額題美原神泉詩序六字篆書在富平縣

五言古詩曰 神泉序

美原縣誌

口口序烜

美原縣東不遠神泉昔雖蕭檜石森
出較而可調隴清流上骨韋子蒼當
漢領漢漢帝命亦亦王古呈漢平

陽原水尉岸陽張何釋事已辨焉嗚哉
而歎曰墮否止變雖廟胎止止功何極
武廟鼎譎變齋楹斯也功所已物劬其
奇事圓其勢嗟嗚呼不傳於止王權微
引瓊飛騰原羅和流何所也徒觀其巧
驚其味羨其自厚則昔藝時影亦粹元
憂賡祥應禮非醴亦齋不效何也祈維
口降福於嚮而幽維生於此也淵邦如
規四望豈操乎地可瀾百詠乃東由西
亥七八十尺下積泉亦口瀾鏡湖岸瀾

其匠萃嶽出界維雲憐昭◎亦憐憐
蟠影所部上壽形物尚穆不知豈
尙字靈憐福禍慘精所後地逸尋幽
通蹟鏡氣而蓋襟情疏聲流而屏
喧濁
念歸淡會盍賦詩云
問身瀰瀰堪

駕曾拜四恭幫扁讚異瀾
瀾會不延蜀
湖鑿嵒鑿中
水華能鏡裏
形隨鼎夕正
粉逐規弦
起瀾流蓋
井口跂
石涼西趾
逐而狎
肉瀾
元高瀾瀾
終

生瀾
瀾音瀾

翻刀
擊高
節如
思

幽蘭調險 浩淡源噴 鏡鑿齋象 於隄
魄泉氣絳 非烟正 紉荷鬪新 潘游影疏
舊壤圓功 花口口 初奇 靈飭 陸林 瀨口
口清 韶 然 口 口 想

碑陰

共十五行行二十五字類題
大唐裕明子書六字並篆書

介喬 尚 明 子 書

五 雷 風 韋 子 好 禮 泉 許

雲 陽 至 漢

明 薑 子 徐 彦 伯 序 炎

養 原 亦 澗 可 禮 泉 生 焉 尚 明 子 尚 薑 子

雪故刀韋炬困步止為戲亦博虛辭
游徑復信諾此止極福也陰也尚明
予子盟焉明蓋予子滿而相視而笑
真哉豈亦乎赫盛而循此也助耶
予蓋作單止誰也答贊雅興語口宮而
不酬云

枯垣跡物驢嶺西滿歸米豈如中翰
餅泉熱器醴氣融團化此淫洽神務
夕禮加玲瓏霄濶泉清漉漉上善用
的的煩園淡君子懷淡矣相誦謨止直

惟曰予何所尹元欽字琳

聞君介爾幽而幽然陽趾多其性情抑
謠輕武陵滌飲窗明月初泊滌涼風起
扁舟想彈難日太極滿流於坐於滿腹
揚清北流巨鬚驕鼎石序淡氣韻真理
左司既中隱翁念南嶽祖

昔日嗚紆地今爾生憫從靈潛游政餘
滌發岸介始瀟瀟流珠數滌滌即夕止
善彩霞笥入淡中輕舟子鏡滌蘇織驛
不滌瀾煥瀾處委祀應臺何由天風昂

亦官員也
龍亭坐談

不辨四季
鬚集戊子四月序

釋文

五言真日游神泉序

美原縣尉韋元旦字短

尹元凱書

美原縣東北隅神泉者雖無樹石森深之致而有嵒險
清冷之異韋子蓋嘗倦簿領洗塵冥爰命丞太原王公
主簿平陽賈公尉南陽張公釋事以遊焉喟然而歎曰
陵谷之變雖窮造化之功何檢有窮則適變無檢則忘

功所以物効其奇事冥其契蹙虛恨不得列之玉楹湫
以瓊漿勝負無私流俗所忿徒觀其印潔其味美起自
文明首穠時則垂拱元夏賸祥應運非醴泉歟不然何
明祈雜口降福勝蠶而幽通之若此也澗荆如規四望
若掃平地可深百許尺東西延袤七八十尺下積則泉
口涪鏡澈莫測其底南流出界雖雲漢昭回而滲漉無
端則所謂上善利物谷神不死豈虬龍窟宅靈僊福祐
懷清佇俊抱逸尋幽者乎躋顯氣而登襟情疏元流而
屏喧濁忘歸淡定盍賦詩云

聞有濠梁地駕言并四美契其逸異適勝會不延辱洞

響若琴中泉華凝鏡裏形隨員月正制逐規虹起瀑流
望丹口踐石涼玉趾近焉特安適行當潤濛池

主簿賈言淑

詞人擁高節狎異尋幽賞
險洞深

洞瞰鏡疑無象形隨瀑魄員氣逐非烟上徒谷繁新瀑
分谿疏舊壤其功兆口口幼竒靈既往其漱口口清超
然口口想

碑陰

大唐裕明子書

五言同韋子旂神泉詩并

雲陽主簿明臺子徐彥伯

字光

美原北澗有神泉生焉裕明子明臺子尋故人韋烜因
旂之烏戲泉潭虛融派流徑復信造化之極神明之備
也裕明子乃盥焉明臺子乃漱焉相視而笑曰异哉豈
大平殊感而循化有助耶則韋子蓋文章之雄也魯持
雅興諒口言而不酬云

桐坂疏抱巒峴卽落縣米豈如中輔邑迸泉毓爲醞氣
融靈火作潤洽冲務啟月潭信玲瓏霞滃幾清此浩浩
上善用的的煩慮洗君子懷淡交相從澗之底

裕明子河間尹元凱字毓

聞君泉壑幽俯裂頻陽趾及我性情狎遙輕武陵淚欲

嘗明月制沮澤涼風起明來想辟離日去疑濛汜列坐
殊滿腹揚清非洗耳髣髴參石旂淡焉適真理

左司郎中溫翁念字敬祖

昔日鳴絃地今聞生澗水靈潛敞政餘潤發彫文始滴
滴流珠散淳淳明月止善利懷若人淡交挹君子鏡澈
無纖翳天清滌煩滓虛忝神僊臺何由弄風曷

天官員外郎李鵬字至遠

垂拱四年龍集戊子四月戊口

碑兩面其一面爲雲陽主簿明臺子徐彥伯字光序
裕明子河東尹元凱字馘左司郎中溫翁念字敬祖

天官員外郎李鵬字至遠各詩一首五言十二句其
一面爲美原縣尉口口旦字烜序內三人皆以一字

爲字

金石文
字記

右詩刻面陰皆有文垂拱四年戊子四月造趙德父
以四年作元年者非韋元旦史稱其兩爲縣尉一爲
東阿一爲威義而不及美原尹元凱史稱爲瀛州樂
壽人而碑云河間地理志云深州有樂壽縣本隸瀛
州大歷中來屬則其時樂壽猶屬瀛州也又河間亦
屬瀛州元旦等史或不著其字並詳此碑

關中金
石記

右美原神泉詩韋元旦製序賈言淑及無名氏詩各

一篇刻於碑之正面徐彥伯序元凱溫翁念李鵬
詩各一篇刻於碑之背面元旦元凱史皆有傳而失
載其字彥伯史稱名洪以字顯據碑乃名彥伯而字
光也李至遠史稱初名鵬以大父素立奉使因名至
遠按素立卒于高宗朝此碑立于武后初尚仍初名
而以至遠爲字則非初名鵬而後改至遠矣蓋後來
以字行其字或出於素立所命史家傳聞失其實爾
溫翁念彥博之孫官至太僕少卿見宰相世系表其
字敬祖表亦未載

潘研堂金石文跋尾

美原神象詩碑字體頗學石鼓文但乏挺健之氣其

用字多本說文然亦有乖違六書者如巖作巢蓋作
蓋盍作盍嘗作嘗僦作僦壘作壘惑作惑主作主
贖作贖璽作璽觀作觀底作底嚙作嚙螢作螢
塹作塹鼻作鼻鼻作鼻鑿作鑿齧作齧疑作疑太作
而善作善械作械蠃作蠃鰓作鰓言作言山作山
作囀虹作虹又如埽字从手稔字从禁悉與偏旁不
合潔峴迸造四字皆許氏所不收徐鉉新附有之誤
也潔當作絜玉篇水部無潔字冰部有絜注云俗絜
字廣韻潔清也經典通用絜峴當作昆禹貢織皮崑
崑崙記夏本紀作昆爾雅釋山三成爲崑崙周禮

司儀注引作昆侖知古本二字皆無山旁徐鉉亦云
漢書揚雄文通用昆侖遊當作屏論語屏四惡王制
屏之遠方並作屏惟大學作遊之四夷疑亦後人所
改也適當作踰踰遙聲相近漢書陳湯傳橫厲烏孫
踰集都賴如淳注踰遠也師古云踰讀曰遙投壺毋
踰言鄭注踰言遠談語也此碑皆沿用俗體又說文
手部桴引取也或从包作抱步侯切衣部裊裊也薄
保切水部洒滌也古文爲灑埽字先禮切洗灑足也
蘇典切音義各別碑以抱爲裊裊以洗爲洒滌亦未

深檢

錢何跋

按美原縣始於咸亨二年改土門縣置屬宜州長安志注故龍圖閣直學士趙公師民以爲王翦請美田翦頻陽人蓋取美田以名也太平寰宇記美原縣有美陽鼎漢書宣帝時美陽縣民得鼎獻之云云似乎美原因美陽鼎而改然漢書地理志美陽屬右扶風美原屬左馮翊道里懸隔寰宇記以美陽鼎系之美原縣其故未明則美原之得名當仍從趙說矣美原之有神泉諸志乘皆無攷稽之陝西通志富平縣有金粟山一名紫金山一名苦蔭山一名靈泉山在美原縣北十五里山有龍泉

每歲清明人多取其水以祈年故謂之靈泉山勇
原縣今併屬富平所謂在美原縣北者乃長安志
中語此碑序稱美原縣東北隅神泉又稱美原北
澗有神泉則不離美原之北而金粟山有靈泉之
名似卽指此神泉然不敢定以爲卽是也碑兩面
刻序與詩作詩者韋元旦賈言淑尹元凱溫翁念
李鵬唐音統籤惟韋元旦有其人不載神泉詩餘
四人并姓名亡之則此碑之不傳于世久矣徐彥
伯號明臺子尹元凱號裕明子史皆不書且以號
著于石刻亦初見此碑新唐書徐彥伯傳稱其著

屬辭與韋臯之善判李巨之工書時稱河東三絕

李晦碑

碑連額高九尺七寸廣四尺七寸三十二行行四十五字隸書額題大唐故秋官尚書河間公之碑十二字篆書

公諱晦字□□隴西成紀人也

□□□□□□

□□□□□□□□□□祖□□□王安父河間元王孝

恭豐功□烈國史□□□□□□□□□□妙氣□□□

□淑靈□□彰於□□□□□□□□□□貞□精粹之性

清明潔白之美□□□□□□□□□□□□□□□□

邈□□崇□□□□□□□□□□機士之百行因不該矣

貞觀末授通事舍人轉尚太常卿□□□□□□左衛
率□府事□□□□河朔邊要之□□選爲難以本官
檢校幽營二州都督崔林作牧朝廷□□□□□□
□功□□□□之□兼之者□也累遷□□衛將軍
右金吾將軍加忠武將軍檢校雍州長史望□而清風
流□□而□□洽咸亨之始關中阻飢盜賊公行所在
□□公鎮之以清靜綏之以惠和政得烹鮮時無吠犬
治□□拱家乏□鱗□□□□雨之沾草木加雲磨
將軍右金吾將軍尋檢校洛州長史兼知東都留守三
州都□□□□爲政以德惠下以□豪右□氣百僚

祔服 車駕口巡口賜繒帛目裏美之

高宗嘗

從容曰卿父元王克清江漢 朕今於卿口同魚水一

日不見滿座無歡其 君臣相得也如此及 高

宗晏駕水漿不入口者數日號咷擗踊志不口口口

之初優以 詔命授戶部尚書公喟然歎曰出身事

主在三如一生當効命死當結草乃輟泣而起 詔口

口口口口口公口於朝口理冤屈平以理物簡目御繁

訟息刑清於是乎在屬揚楚橫逆淮海稱兵清宮地實

上流口口口口口乃持節鎮荊州兼檢校長史口鄖衛要

控帶口長屐而不殘人是以息豺狼地蝮不入枝江之

境黼黻冕旒口致南陽之口加金紫光祿大夫 詔賜
衣服表能官也以公器光廊廟道暎搢紳可以彌綸政
本參贊皇極遂徵口拜左武威衛大將軍口時口姓烏
驚口口默聚擁旌推轂公實當之詔授燕然道行軍大
總管兼安北道安撫大使東自碣石西極流沙口道俱
口口口節口口旗拂霓霜戈彗雲蕭條萬里野無遺口
詔部督恒州兼燕水軍經略大使口鄣塞以口口口
口倉庫以口虜口口口絕烽候之虞河右沐仁明之化
居無何追赴口都檢校右金吾大將軍尋拜秋官尚書
口口沉毅清素周密署龍泉而特達委珠璣而不拜故

以斟酌元氣平運□□方當□融 皇風弼諧景化論
道於上□扈蹕□中□□散黃金以長揖追赤松而
高蹈而天不憖遺梁推奄及末昌元年二月廿七日薨
於位春秋六十有三 聖情憫悼□寮掩涕罷朝撤樂
有加恒數自□疾弥留迄于大斂賜藥及衣中使相望
於道賻物四百段□粟四百石葬事官給□官五品一
人監護葬事贈幽州都督惟公幼而岐嶷長而惇敏採
蹟索隱□微究奧□策名委質□□爲□□吐剛茹柔
常情之所易撓尚人矜已執政之所難□公□坦勞謙
少私寡慾當代之所難者□於公而易□□□六入□

□七臨□□既稱獨□復号神君盛德被於□□功名
垂於竹帛者也夫人隴西郡夫人□鄧氏河南□□
□□□公之孫衛尉卿駙馬都尉之女也□賢明□
□□敷令慈於家邦幽閑婉順□□□□□□□□
□□□□□□□□□□□國風之窈窕嗣大雅之
徽音□□光輔兩朝□靈歿劄夫人□□中饋□□
□□□□□□□□□□□□□斯□□□
所冀□母儀之□□□上哲□遠□享年不末□□
□□□□□□□□□□□□□□□十一月
十一日合葬于三□原禮也嗣子尚柔奉御知言等□

夫云公諱晦字□□隴西成紀人也知其姓李下有云祖□□王安父河間元王孝恭知其爲宗室也新唐書高祖紀高祖之祖曰景皇帝廟號太祖考曰元皇帝廟號世祖宗室世系表太祖八子第三子卽世祖第七子蔡烈王蔚周朔州總管相燕恒三州刺史襄武縣公生子安哲西平懷王安字元德隋右領軍大將軍趙郡懷公生子瓊璉琛孝恭瓊瓊河間元王孝恭生崇義崇晦崇真崇晦卽此碑所稱晦也碑泐字某疑卽表所謂崇晦史表往往以字爲諱也碑于祖下泐三字合其存字

乃西平懷王安也宗室傳孝恭從高祖定京師拜
山南招討大使明年拜信州總管蕭銑據江陵孝
恭數進策圖之進王趙郡荆湘道總管遷荊州大
總管襄州道行臺左僕射未幾爲行軍元帥討輔
公祐江南平進授東南道行臺左僕射行臺廢更
爲揚州大都督改宗正卿歷涼州都督晉州刺史
貞觀初爲禮部尚書改王河間薨贈司空揚州都
督諡曰元此孝恭歷官之始末也碑文多泐因詳
識之宗室傳載孝恭子晦乾封中爲營州都督遷
右金吾將軍檢校雍州長史高宗將幸洛詔晦居

守武后時遷秋官尚書卒贈幽州都督傳載晦之
歷官惟此而已則不如碑之詳也碑稱晦薨於未
昌元年二月廿七日罷朝撤樂賜藥及衣賻物賜
粟葬事官給五品監護飾終之禮同于陪葬而其
葬所云在三口原宗室傳稱孝恭陪葬獻陵不知
三口原卽獻陵之地否也碑云夫人隴西郡夫人
鄧氏衛尉卿駙馬都尉之女公主傳駙馬無鄧姓
者碑云嗣子尚柔奉御知言等宗室表傳但有嗣
吳王榮一人不載尚柔等碑無撰書人姓名而未
云故吏等仰攀盛德似碑爲故吏所立也碑書烹

鮮作享鮮本通用渚宮之宮作官則異文也

乙速孤神慶碑

碑下載已斷合之連額高九尺六寸廣四尺一寸四分四十四行行八十字正書篆額在醴泉縣叱干邨
大唐故右虞候副率檢校左領軍衛將軍上柱國乙速

孤府君碑銘

并序

朝散大夫守著作郎龔文館學士兼修國史上柱國
濟南縣開國男苗神客撰

淨口寺釋行滿書

天地之大德曰生聖人之大寶曰位生不可以無宰口
有道以存之位不可以無口口有德以尊之故剗口剖

口張維闢口口君有作口口口而口雲口口口口登
山而捧日可久可大闡洪業於非常立德立功乘大名
於不朽存而爲一時之口歿而爲百代之英爰有異人
今可得而聞矣

公諱祖彥字昭祐其先王氏太

原人也昔口口以口口耀象六英口口口之祥后弃以
口秩興農萬里厝鸞歌之域帝圖克峻王道攸歸周德
方隆翦商以口其業口口可遂敗狄而有其口口口口
乎天下口緒傾乎海內五代祖顯後魏拜驃騎大將軍
偉德挺生稟嵩岱之精魄洪川派別洩江海之波瀾倚
杖千仞盤紆九野遂賜姓爲乙速孤氏始爲京兆醴泉

人焉□□□家代功居□然後□周畿委□□□□
□□門漢□乘軒□秋匪珪璋之□□其榮闕故無得
而傳之曾祖貴齊右衛大將軍儀同三司使持節都督
岐州諸軍事岐州刺史周上開府□□三司□□大夫
□河州諸軍事河州刺史河州總管太子□庶子和仁
郡翊國公祖安□前鋒都督周右武侯□□府驃騎將
軍開府儀□三司使持節長州諸軍事長州刺史隨益
州都督襲封和仁郡開國公拜前拜後惟昭惟穆□以
忠貞之操並資文武之才終始一口雖百君而每合出
入三代居八命而逾口父晟

皇朝上開府口武

□□廿府左車騎將軍轉驃騎將軍令緒逾崇高門克
大岳靈□德紹賢哲以相趨□□□文□□候而繼出
公山資海授星傑□英□□騰彩驚時駭矚雖仲連飛
兔追日電以長鳴而諸葛卧龍□風雲而戢□俄屬龜
羅架海援鶴凌江黃神吟而寓縣分素靈歎而區域震

高祖神堯皇帝開□躡步翼□□精偃橫流於

九海蕩洪氛於八極雲雷憤薄興於晉水之湄天地氣
蘊闢於渭川之浹□□□居幅裂豪□恭分鵠起逢時
之心寰中旣擾烏止于誰之室寓內攸瞻公乃蓄悟井
之深幾載駉驪早知躍泉之秘蹟言訪龍□獄訟歸禹

不忘於寤寐歌舞迎周獨斷於襟抱以義寧之始乃奉
見於口陽口蒙 恩口預叅 秦府從平京

臣授通議大夫賜物六十段戎章克峻雖策勲而既重
國圖伊始以門胄而方榮乃取廬義州府君口資口口
親衛于時雖地開金策翦鴉旬而斯安而池口玉口口
雞聿而口靜公於是口陪八口薄伐三川從討王充破
青城堡賜物一百段并袍衫牛等加勲大將軍武德元
年又口薩舉二年復破口口神兵口舉每推立於後服
口口百勝必質勇於先登時宋金剛尙竄地險更勢天
伐公乃口機有捷燭雲口之高輝應變無方刊風灰之

遠陣平殺之後蒙賜馬及金羣練物百段王充以口口
窺疊假位號於成周建德以口口口時竊仁義於全趙
恃連口之援以興危邦託刑馬之盟方爲口國

口宗乃韜龍豹拔猊貅黃鉞排天朱旗斷霧沸洛川而
橫角震嵩巖而疊鼓王充以迭食爲命不移蚤口之心
建德以弱口口依無舛螳螂之衛公乃懷奇請奮受命
長駟破王充千金堡并從擒建德預軒勝於口符奉堯
績於丹浦燕趙俄獲蚌爲脯而無遺虞號終亡馬服與
而不失加勳柱國賜物二百段剽黑闥擁銅馬之餘口
氣蘊口南口金鳳之口口口兵雄趙北公乃從平清漳洛

水二口口遂俘之授上柱國口口口并口馬等綵物
一百五十段粵以超時之効恒當不次之恩滿寵受田
殊非異賞李忠錫馬遂多慙色尋又從破徐員朗口口
奇勲既而 聖情載洽念功勞口特蒙賜口用表

口榮 太宗以元雲入口未改唐侯之爵白水開錢
猶踐蕭王之號 秦王府妙資左右公以良家首

碎口令口上仍賜口袍旣而飛鸞口口長口竭口雖域
中四大正西北之傾維而天下一家有東南之口氣

太宗乃口口口命穢厥流言推大義以翼行宏至
公而克勳公以九年六月四日載靜軒回因而侍衛口

口不口既而汾陽脫屣代口承口高鳥盡而藏弓歸獸
存而口戰公乃口徒挾策且欣棄矢結墳籍而爲晉口
口口口禽然以七德攸歸五營斯佇方始執鞭之任
式隆初贊之基以貞觀五年授右衛勳衛口口口口
上六年口口口口賜絹一百口八年授右勳衛按尉公
以懷才樂道緯武經文口口時習顛沛必口口口口
口居終始存乎退尺每策勲而命賞常後己而先人所
以幽谷非遷望高木而韜鬻澠池徒奮至口樹而銷聲
雖口口之志每口而序祿之期終及十年蒙授游擊將
軍守左領軍長口府口別將仍口口口口口佳兵七

萃左帶

皇畿放庾千箱傍臨陝服正壘壁其斯

重瞻海陵其已陋聿兼其任隆寄存焉十二年以口口

口極口口口鸞東警

皇輿口口肅龍駕於口雲天

動神行揚風旗於口口口口口口口忠賢

車

駕自東都還京乃

勅公檢校右衛勳上府郎將

口口口以口口養德

軋口口口口口

詔

口口口志懷強濟口口沉遠勞効著於戎旅恪勤宣

於階闈宜口口口

可守太子右衛率府勳衛

郎將於是青闈口景絳口增暉招搖之桂連芳口口

琅之竹比口口口口口口口口口憇職無口於驟口之義

龍顏憑怒有事於遼水口陽鶩雷輻於碣石口

口口口口口口

高宗天皇帝銅樓毓粹口裕

流溫雖義在懸弓宜扈於口口而時方口口實資於監

口乃口口州畱守口公口口奉口闈廿年丁驃騎府君

憂去職口輟趨口口悲陟岵絕漿九口已口口口口口

口口口口每泣高柴之血廿三年

詔授口子右

衛率府翊衛郎口犀鈎在飾鶴口登榮抑禮援口仍奏

樂口之韻踰暮口燧更承重日之輝旣而龍躍在天正

銀題於紫絛鴻飛漸陸口玉羽於元宵口口口口口

口授右衛郎將永徽三年除守右驍衛翊衛中郎

將張奐坐帷奮雄邊之遠略馬卿建節馳喻蜀之高文
口宦口口括囊千載五年 詔守太子右虞候副

率尋加兼太子右虞候副率口口口口口口口口口口

卞敦良將之才閑邪是屬公之授也斯實兼焉俄屬六

麟徐駕御口京之霧雨五口遐拂俯口洛之風煙鈞陳

口委英賢是賴 駕幸東都之日檢按口領軍衛

將軍尋又 口口口口口口口口口口并州先置

遷東都日檢按右領軍衛將軍仍知六閑馬事溫驪籜

景歛口口於雪谷瑞口生風口珠耀於口口賦無不理

帝有嘉焉俄又兼太子右衛率口口口秩是口

茲□□□□□□□□□□□□□□□□門興績瞻言故實英
尚斯途公以儔之則爲優矣方冀有仁必□有壽必隆
□□未極於□□□□望周□□齒不延於練玉遽頽
觀曾之峯以顯慶五年八月□四日遭疾□□□□□
□□□□□□□□六十有二
冕旒□悼哀榮兼拯

勅書垂慰賜贈逾隆

詔問嗣子行儼等

并賜物二百段粵以龍朔元年歲次癸亥二月戊午朔
十九日巽□□厝於雍州醴泉縣履中川□□□□□
□□□□□□□□誕靈川岳德光□□舒白氣以成虹
才苞利器橫紫氣而射斗昔在髫初卽踰常類疑然殊

如旭日之□青山湛乎深識若明月之含碧海克峻
日就至性天成教以義方則行□□□□□□□□□□
□□□承顏必當於隱犯知年每形於喜懼不愆于德
□□無□□□□未嘗有□□□無以□其罰□乎□
丁艱疾殆不勝喪在驃騎府君之憂公時已班隆貴屢
將□滅痛深朝野□□□□□□□□□□□□□□□□
古今攸絕豈止許孜□□□□翟於虛□丁密窮哀□
□□□□沼□斯而已矣加以□□□□□□愛爲懷其
駕無睽□孫鍾輿之□同衾□慰每追□室之歡兄弟
數人公爲□□□□□□□□□□□□□□□□增映怡怡可

樂其後五門將關三荆遠懷公乃責深自悲其氣而
無終訓切在原泣分形而有異雖同胞竟阻王脩之喻
罕遊而推產不式之資給公以鼎貴餘業財
○○○○○○○○○○○○○○○○伏宗姻駭歎公以幼
承義早聞詩禮德思潤己學尙專門俄屬有隨蕩
生人殍書劔而事于戈弃俎豆而脩軍旅故得藝
殫弧矢精極韜鈴枝楊菜窮取之妙
○○○○○○○○○○○○○○○○大慙斯殲策兵無挫
銳非以賞而邀利寧以功而伐然則因時命律稔
論兵受而莫違當厚而居百夫之長推而不有委榮

名而辭萬戶之侯卓矣高□□□□□□□□□□□□□□□□
□□□□□□□□□□□□□□□□□□□□□□□□□□□□□□
斯之謂焉子國子明經
高第朝請大夫行綿州司馬行儼寧遠將軍守岐陽府
長上折衝行均游擊將軍守甘泉府左果毅都尉行方
等或傳經綜業或□□□□□□□□□□□□□□□□□□□□
□□仁者安仁□無昧於觀行將門有將理不老於□
□既而匪莪嬰酷悴栢□哀攀蠹橐而增慕循盤楹而
載感於是乃與昆季聚族興言以爲陵谷難恃風猷易
絕雲臺入□□□□□□□□□□□□□□□□□□□□□□□□
之跡必存無媿之詞於是爰勒他山用□斯□庶使波

益勳解識墮淚□千齡□□琅琊傳受幸於萬古其詞

曰

立功立德惟武惟文銘戈著範勒鼎昭勲名□□□□
□□□□□□□□□□□□□□□□初筮□隆淮篚璧錫
□族卽榮昌袞袞服□輝旗□靡替明德斯□高門是
繼英英亮□灼灼瑰竒不慳于道無忒其儀光含巨闕
彩振長離公□比驥呂望非彫運□□□□□□□□□□
□□□□□□□□□□秦亡登山趙滅功成百勝途夷
九折已建宏勳俄膺懋寵期門甫陟羽林初奉帝庾斯
衛儲兵載擁寓省□□司□位重官連四率望越五營

聲芳漢將器表周楨未□□□□□□□□□□
□□□□□□□□□□□□□□□□□□□□□□
方□□□□□□□□□□□□□□□□□□□□□
才蘭期奄隔楸思俄開圖芳□路紀德泉臺九原微□
萬古風埃

□□□□歲次□寅二□戊申朔十九□□□立

□跡鄉□闕

右乙速孤神慶碑宏文館學士苗神客撰神慶唐初
仕三衛高宗時爲太子右虞侯副率以卒乙速孤氏
在唐無顯人惟以其姓見於當時者神慶一人而已

元和姓纂但云代人隨魏南徙而已其叙神慶世次

又多闕繆而此碑所載頗詳云其先王氏太原人

右

文

代祖顯爲後魏驃騎大將軍賜姓乙速孤氏遂爲

京兆醴泉人曾祖貴隋河州刺史和仁郡公祖安隋
益州都督父晟唐驃騎將軍乙速孤氏世無可稱而
其姓出夷狄莫究其詳惟見於此碑者可以補姓纂
之畧以備考求故特錄之

集古
錄

昭祐名神慶本姓王氏太原人高宗時爲太子右虞
候副率檢校左領軍將軍上柱國以卒史不立傳且
不復姓王氏不可曉碑苗神客撰釋行誦書書亦勁

健有法然不及王知敬趙模諸人

石墨
錯筆

右右虞候副率乙速孤神慶碑文云龍朔元年歲次
癸亥二月戊午朔按癸亥乃龍朔三年非元年也又
以通鑑目錄攷之龍朔元年二月丙寅朔三年二月
乙酉朔俱非戊午朔碑版之文所紀年月宜得其真
而低悟如此殊不可解然此碑決非後人所能偽作
也神慶嘗爲右衛勳二府郎將按唐書百官志親衛
之府一曰親府勳衛之府二曰勳一府曰勳二府翊
衛之府二曰翊一府曰翊二府凡五府每府中郎將
一人左右郎將一人是其職也神慶祖安爲周右武

候右六府驃騎將軍父晟唐右武候右廿府左車騎
將軍六府廿府之名於史無考

潛研堂金石文跋尾

舊志云乙速孤昭祐存二千五百餘字 續志云昭

陵志誤收乙速孤父子墓碑入陪葬功臣之內暗其
字而未讀其文也其墓在叱干邨九嶼山後三十里
不在文獻通考所指一百二十里墓田之內安得謂
之陪葬 按碑篆額書檢校字从斗謬甚

醴泉縣志

按此碑文約三千餘字存者尙得八九文爲苗神
客撰釋行滿書卿大夫墓碑而用方外人書不多
見也苗神客舊唐書附元萬頃傳云高宗廣名文

詞之士入禁中修撰萬頃與左史范履冰苗神客
右史周思茂胡楚賓咸預其選苗神客者滄州東
光人官至著作郎新傳則云武后諷帝召諸儒論
議禁中萬頃與周王府戶曹叅軍范履冰苗神客
太子舍人周思茂右史胡楚賓與選此碑結銜云
朝散大夫守著作郎宏文館學士兼修國史上柱
國濟南縣開國男可補史之闕也碑云公諱神慶
字昭祐其先王氏太原人碑書神慶二字俱缺末
筆未曉其故唐書宰相世系表王氏定著三房一
曰琅邪王氏二曰太原王氏三曰京兆王氏又有

烏丸王氏始于朝六世孫光後魏并州刺史生回
度支尚書護烏丸校尉廣陽侯因號烏丸王氏生
神念北齊亡徙家萬年此外不詳賜姓乙速孤氏
之王氏所自系碑述其先世始自五代祖顯卽賜
姓之祖也次及曾祖貴祖安父晟累世歷仕魏齊
周隋唐神慶歷官始於高祖迄於高宗顯慶五年
卒年六十二推其生在隋開皇十九年則高祖武
德之初年二十矣神慶以龍朔元年歲次癸亥二
月戊午朔十九日厝於雍州醴泉縣履中川癸亥
爲龍朔三年二月爲乙酉朔碑之誤固無疑矣唐

時曆葬大率距薨逝之日不遠若顯慶五年卒至
龍朔三年曆相距四年未必如是之久則龍朔元
年似屬不誤下文癸亥戊午誤也碑叙歷官云還
東都日檢校右領軍衛將軍仍知六閑馬事首行
標題乃作左領軍衛將軍有不同也唐書百官志
尙乘局奉御二人直長十人掌內外閑廐之馬左
右六閑一曰飛黃二曰吉良三曰龍媒四曰駒駉
五曰騏驎六曰天苑而別無知六閑馬事之官神
慶似以右領軍衛將軍兼領尙乘局事也神慶生
三子長行儼國子明經高第朝請大夫行綿州司

馬次行均寧遠將軍守岐陽府長上折衝季行方
游擊將軍守甘泉府左果毅都尉唐書選舉志取
士之科由學館者曰生徒其科之目有明經凡學
皆隸于國子監國子學生三百人以文武三品以
上子孫若從二品以上曾孫及勲官二品縣公京
官四品帶三品勲封之子爲之神慶官右領軍衛
將軍階從三品故行儼得入國子監爲明經也百
官志武散階正五品下曰寧遠將軍懷化郎將從
五品下曰游擊將軍歸德郎將諸衛折衝都尉府
每府折衝都尉一人上府正四品上中府從四品

下下府正五品下左右果毅都尉各一人上府從
 五品下中府正六品上下府正六品下行均官守
 岐陽府長上折衝而階正五品下是下府折衝都
 尉行方官守甘泉府左果毅都尉而階從五品下
 是上府果毅都尉特岐陽甘泉二府未有所攷耳
 碑末云歲次口寅二口戊申朔十九口口口立文
 內有高宗天皇大帝之語則立碑在武后朝載初
 二年庚寅歲是歲九月改元天授二月尙是載初
 据通鑑目錄是歲二月正戊申朔十九日爲丙寅
 也未行有跡鄉二字据金石錄補姜遐碑跋稱遐

葬於昭陵神蹟鄉此碑跡鄉疑卽神蹟鄉當指其墓所在然則雖非陪葬昭陵而亦去陵不遠矣

姜遐斷碑

碑廣四尺四分僅存下截高四尺二十六分三十三行字數無考正書在醴泉縣昭陵

上侍郎口口公晞撰文并書

上望口口規口之口口口口之口口口口咸欲下飛口

則負下子之下下在口之下諱遐字柔遠下之千

石下之下嘗指下又奉制授口宮通事舍人下晤下

矣下之下成口口口口之口夷夏以爲口口朝廷下授

下於其口口之遷口口口府郎將口口陳下有年口無

下檢校下爲正下進轉後下論下以爲屈下之下

月下餘下之下以熱防下以下禮下節下性明七下

以下人下天下人下公下之下以下風下關下

賜絹百匹以下之下效也下去下莫

能下尋奪禮起下中使下延下冤旒下悼下

朝服下以下下十下葬子昭陵之舊下坐禮

也下以下下隱下杖葉於下經下求聖賢下

正下以下不下之下門人下之下妻下不復

以博聞下尤善草詠下一時推下於奉親也下

之下養故下之下舞之下之下不下翰下書

□□元闕銀青光祿大夫□□□□□□□□□□兵闕

人闕昭闕思闕親闕意將□□□氣□言欲□□□□

□爲銘□

闕外□心□逢□雲披遇□行□可□□□□于□括囊

闕天憲□□帝宇熙宸重寄西闕赫奕□光□□神

□昧昧天道茫闕

遐者暮之孫行本之子史但附兄簡傳云弟柔遠美
姿容善敷奏則天時至左鷹揚衛將軍通事舍人內
供奉寥寥數語亦不云名遐遐之子卽姜皎而換書
遐碑者乃簡之子晞代簡襲行本爵爲郾國公者也

碑上段已亡止有下一段棄墓側余摩而錄之按游
景叔刻昭陵圖止有姜確墓確行本名史亦云行本
陪葬昭陵而俱不及柔遠何也

石壘
銘華

右姜遐碑姪郟國公晞撰書碑已斷裂而祖父子之
名尙備碑云公諱遐字柔遠祖蕃父行本子收晦春
秋五十有二卽以天授二年十月十日葬于昭陵神
蹟鄉之舊塋按史行本名確以字顯而碑正書其子
遐附行本傳云子柔遠未嘗云柔遠名遐也且舊傳
止云子確而碑云故伯父太子僕嘗指公謂人云云
似嘗尙有子而史遺之東宮僕寺有僕一人從四品

卽所謂太子僕也。晞爲簡之子，嗣行本傳史亦不載。碑雖殘泐，猶足以證史之闕。如此。

金石錄補

碑漫滅不可讀存二百餘字。有云授東宮通事舍人。餘俱斷續不能成文。按東宮通事舍人可以補史之

缺。

雍州金石記

諸書但詳行本陪葬昭陵而不及遐。遐攻昭陵陪葬例。子孫願從祖父葬者聽。遐以丁內憂起復不餘年而卽卒。當是從父葬于昭陵本不得與陪葬者同例也。

關中金石記

按金石錄補稱此碑祖父子姓之名尙備。以天授

金石錄卷之十一
二年十月十日葬於昭陵神蹟鄉之舊塋今此碑
自祖塋以下文俱不存其葬處但有葬於昭陵之
舊塋未見有神蹟鄉也長安志醴泉縣六鄉曰美
華通時新塋崇孝神安白涇又註云唐十六鄉有
白鹿長樂瑤臺修文四鄉餘不傳又云昭陵在縣
西北六十里封內周一百二十里九峻山白鹿長
樂瑤臺三鄉界不云有神蹟鄉此碑雖文多磨泐
然葬於昭陵之舊塋文甚分明此七字中不能再
容神蹟鄉三字其昭陵上空二格亦例所應尔非
關闕泐是金石錄補之語猶未確也碑之歷官可

□境先弃今身其哀哀慈母言念傷情建斯功德持此
經營下臨□塋上出太清高峙邈邈孤秀亭亭□□□
□□搖鐸聲庶千秋而萬歲長不朽而無傾

按此碑題曰懷州獲嘉縣朱四娘爲女造浮圖五級
據文是其女張氏投崖而死朱氏乃造浮圖五級
以資冥福也懷州獲嘉縣屬河北道河內郡縣境
無山不知所投何崖也浮圖以如意元年七月功
畢是歲九月又改元長壽七月尙是如意也武后
自庚辰九月改號大周加尊號曰聖神皇帝至是
已三年矣碑書日月星載皆用新改字

薛府君碑

碑存上半連額高五尺二寸五分廣四尺四寸三十三行行字無攷正書額題大唐故揚州長府薛府君之碑十二字篆書

大唐故揚州長府薛府君之碑

關蓋承□□□□體下馮翊當□榮命起公□□□□

□□□□□□□□節下御史衛尉卿平陽縣開國公

贈車騎□□□□□□州□史執下文朝儀同三司

鄜城山陽二郡□□□□□□府長史□騎侍郎下

奉使節以綬吳□宣□□□□□□禁□□□其岳

室□殿□於下門□□□摧□蘭於早□□□□□□

口靈長口口罷御口口仍藏下謝庭生玉韋房毓珍口

口君子口口淑人口口口口口口風塵末言下然運海

子文夷雅口口口口別口口歡口口口尙仁口口口口

貞口亮下賴持中擊轡出口口輅口谷鑒周口益口口

口口口角下展口結簪纓汾口口口河口口口口口口

口口口口口盛徒下

寶刻叢編揚州都督府長史薛寶積碑王處撰文林

郎王應世書長壽中立在河中是碑漫漶過甚惟額

書大唐故揚州長府薛府君之碑十二字尙完好知

卽寶積碑無疑

竹庵廡金石目錄

小石橋碑

碑下截已斷今連額僅存高四尺六寸四分廣二尺四寸作三截書上二截皆二十二行刊碑主橋主煥心主施主姓名下一截記十九行字數無考正書篆額

○牛○小石橋之碑

○□□壁元季歲次乙未⑤景子朔二④丁丑

○□□三空凝象主術之理難窮四諦沖元真知之宗莫

測_闕解猶述○空之津○□高□未靜輪迴之□□□

壽○□_闕究有象○□□□无生法忍○非理○□□

○□慧○□□_闕福已○於既往是以花臺瑤○□□□

○之知歸○□□□_闕迷○使靈○末著者其孰能尙於

津梁□□□牛□壞石

闕下

以安□之代南北爲□長之

途□義之□□西作送迎之

闕下

□□□駟傳□郵停

驂駐軾斯橋所主益始於茲代序

闕下

□□□北移裕變

刊創莫知□跡元功德音不嗣□大唐

闕下

□□□壑

輔駕象□□道□□元仁流下□五神入□

闕下

□□□

□□鏘金岱嶽軋封元季二

闕下

此以□

□津□□爲梁旣

聖迹神行不敢湮廢以□鑿元季

闕下

背尔□□□前臨廣□炎精曜魄之□□薈郊維

周卜

闕下

砮□□□□而流音左帶□巖石映霞而照

錦寔聖賢

闕下

之□□□焉有清信士玉寶□朱元英韓

宏澤朱元舜口下 出口口知夙極之難追口發菩提
其崇斯果口高口爲下口口人口敬刊貞石口口名於
万古庶千齡而不易迺爲口口

上味三空妙口鷗林隱口龍宮秘識口此輪迴孰知其
極口下有口口口口口口功口念口肇建 梁口崇遐憇
忠波遷口下

大碑主王寶口

大碑主韓宏澤

發心主口口口

大碑主朱元口

發心主韓知節

大碑主朱僧滿

發心主韓元智

大碑主朱元度

發心主韓知口

大橋主朱元英

發心主王思敬

大橋主朱文振

發心主朱口仁

大橋主韓知古

發心主韓道興

大橋主朱若會

大施主朱口口

大施主朱口口

大施主朱仁惠

大施主口口口

大像主韓文玉

大施主口口真

大像主羊選友

大施主羊思福

大像主羊簡賢

大施主羊忌恭

左 菩薩主韓里朗

施主朱□□

左 菩薩主朱元口

施主飛騎尉朱令諶

右 菩薩主朱仁撫

施主朱令詢

右 菩薩主韓口九

施主朱令則

右 菩薩主韓玕業

施主韓知禮

右 菩薩主朱元智

施主朱墨字景冲

按此碑記建橋造像之事首行題云□聖元年歲次乙未月景子朔二口丁丑乙未是紀歲干支此下當云某月不知碑何以失書也据通鑑目錄是

歲八月丙子朔唐書則天紀一月改元證聖九月
改元天冊萬歲碑有聖字確是證聖則碑爲八月
所立無疑也此時武后稱帝建號不必避唐諱而
碑猶諱丙爲景也此橋臨大道爲乾封元年南巡
鑿輅所經因而建橋造像文蓋記橋主像主發心
主大施主助成功德而以大碑主居前後三十八
人姓名大率朱韓二姓居多羊姓四人首一人則
王姓也書官者一人飛騎尉朱令諶書名及字者
一人朱墨字景冲